



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԼՈՒՈՒ ՄԱՐԶԻ ՓԱՄԲԱԿ
ՀԱՄԱՅՆՔԻ ԴԵԿԱՎԱՐ ՍՈՒՐԵՆ ԿՈՍՏԱՆԴՅԱՆԻ ՈՒՂԵՐՁԸ**

ՏԵՂԱԿԱՆ ԻՆՔՆԱԿԱՌԱՎԱՐՄԱՆ ՄԱՐՄԻՆՆԵՐԻ ՕՐՎԱ ԿԱՊԱԿՑՈՒԹՅԱՄԲ

Տեղական ինքնակառավարման մարմինների հարգելի՛ ներկայացուցիչներ, բոլոր ժամանակների համայնքային ծառայողներ, գործընկերներ, շնորհավորում եմ բոլորիդ՝ Տեղական ինքնակառավարման մարմինների օրվա առթիվ:

1996թ. նոյեմբերի 10-ին տեղական ինքնակառավարման մարմինների առաջին ընտրությունների արդյունքում ձևավորվեց տեղական ինքնակառավարման համակարգը՝ նոր շունչ հաղորդելով պետական մարմինների աշխատանքին և առավել արդյունավետ դարձնելով այն:

Հարգելի՛ գործընկերներ, դուք եք, որ կրում եք համայնքի կառավարման և զարգացման ամբողջ պատասխանատվությունը: Որպես այդ աշխատանքների համակարգման առաջնային օղակ ձեզնից է կախված համայնքի ամբողջ նկարագիրը:

Ձեր սրտացավ, հետևողական և աջալուրջ աշխատանքի շնորհիվ է, որ օրեցօր մենք արձանագրում ենք մեր համայնքի ծաղկումն ու առաջընթացը: Մեր բնակչության արժանապատիվ կեցությունն ուղղակիորեն կախված է ձեր կատարած աշխատանքի որակից և ձեզնից յուրաքանչյուրի պատասխանատվության զգացումից:

Անուրանալի է ձեզնից յուրաքանչյուրի ներդրումը՝ համայնքի կառավարման և զարգացման գործում:

Ոլորտի հարգարժան ներկայացուցիչներ, սիրելի՛ գործընկերներ, մեկ անգամ ևս շնորհավորում եմ բոլորիդ՝ մեր պետության համար այս հատկանշական օրվա առթիվ, մաղթում եմ բոլորիդ ուժ, աջալրջություն և միախմբվածություն՝ մեկ ընդհանուր գաղափարի, այն է՝ համայնքի ծաղկման և մեր պետականության ամրապնդման շուրջ:

Հարգանքներով՝

Սուրեն Կոստանդյան

